

Na osnovu člana 31. Zakona o sudovima u Federaciji BiH („Službene novine Federacije BiH“ broj: 38/05, 22/06, 63/10, 72/10, 7/13, 52/14 i 85/21), člana 23. Zakona o namještenicima u organima državne službe u Federaciji BiH („Službene novine Federacije BiH“ broj: 49/05, 45/2010 i 103/2021), člana 25. st.4. Pravilnika o unutrašnjoj organizaciji i sistematizaciji radnih mjesta Općinskog suda u Kaknju i Poglavljem II- Procedure za zapošljavanje državnih službenika i namještenika u Općinskom sudu u Kaknju, Predsjednik suda objavljuje,

JAVNI OGLAS
za popunu upražnjenog radnog mjesta namještenika
u Općinskom sudu u Kaknju

Viši referent za administrativne poslove – 1 (jedan) izvršilac na neodređeno vrijeme

Opis poslova:

Prima podneske stranaka, provjerava da li je zaprimljen dovoljan broj primjeraka i izdaje potvrde o prijemu podnesaka, prima na zapisnik ili u obliku zabilješki kraća obavještenja stranaka i drugih zainteresovanih lica o promjeni adrese stanovanja ili boravišta ili o datumu prijema odluke kada dostavnica nije vraćena ZK odjeljenju ili je vraćena, ali datum uručnja dostave nije naznačen na dostavnici, dostavlja šefu ZK odjeljenju i ZK-referentima podneske stranaka, ulaže dostavnice uz vođenje odgovarajućih evidencija, vrši obradu podataka za izradu statističkih izvještaja, vrši arhiviranje predmeta u ZK odjeljenju i na zahtjev ovlaštenih lica izdvaja predmete iz arhive uz vođenje evidencije potpisa i reversa, obavlja i druge poslove koje mu odredi predsjednik suda, šef ZK odjeljenja i sekretar suda.

Uvjeti:

Pored općih uvjeta propisanih čl.24. Zakona o namještenicima u organima državne službe (državljanstvo BiH, punoljetstvo, opća zdravstvena sposobnost za obavljanje poslova radnog mjesta, vrsta i stepen školske spreme, da u posljednje dvije godine od dana objavljivanja oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, da nije obuhvaćen odredbom člana IX 1.Ustava Bosne i Hercegovine) kandidati treba da ispunjavaju i sljedeće **posebne uvjete:**

SSS - IV stepen, Gimnazija, Ekonomska škola, Upravno-administrativno-tehnička škola ili druga srednja škola društvenog smjera, položen stručni ispit za namještenike, poznavanje rada na računaru, deset (10) mjeseci radnog staža.

Uz potpisanu prijavu na Javni oglas koja sadrži kraću biografiju, adresu i kontakt telefon, kandidati su obavezni priložiti original ili ovjerenu kopiju (ne stariju od šest mjeseci) sljedećih dokumenata:

1. dokaz o završenoj školskoj spremi (diploma)
2. uvjerenje o državljanstvu (ne starije od šest mjeseci)
3. izvod iz matične knjige rođenih
4. potvrda/uvjerenje o radnom stažu
5. dokaz o poznavanju rada na računaru
6. uvjerenje o položenom stručnom ispitu za namještenike
7. uvjerenje da se protiv kandidata ne vodi krivični postupak (ne starije od tri mjeseca)
8. ovjerenu izjavu kandidata da u posljednje dvije godine nije otpušten iz organa državne službe kao rezultat disciplinske kazne na bilo kojem nivou vlasti u Federaciji,
9. ovjerenu izjavu kandidata da nije obuhvaćen odredbom člana IX 1.Ustava Bosne i Hercegovine

Izbor između prijavljenih kandidata koji budu ispunjavali opće i posebne uvjete izvršit će se nakon obavljenog pismenog testiranja i intervjua u skladu sa Procedurom za zapošljavanje državnih službenika i namještenika u Općinskom sudu u Kaknju.

Napomena:

Kandidat koji bude primljen u radni odnos podliježe obavezi probnog rada u trajanju od tri (3) mjeseca. Ukoliko kandidat nema položen stručni ispit za namještenike, a bude izabran, dužan je u roku od 6 (šest) mjeseci od dana prijema isti položiti. Izabrani kandidat će biti dužan dostaviti uvjerenje o općoj zdravstvenoj sposobnosti za obavljanje poslova radnog mjesta.

Prijave sa traženom dokumentacijom dostaviti u roku od 15 dana od dana objave Javnog oglasa u dnevnim novinama neposredno putem prijemne kancelarije Općinskog suda u Kaknju ili preporučeno putem pošte, sa naznakom „za Javni oglas“, na adresu:

Općinski sud u Kaknju, ul. Alije Izetbegovića broj 110, Kakanj.

Nepotpune i neblagovremene prijave neće se uzeti u razmatranje.



Predsjednik suda

Eldar Zaimović